

ქ. თბილისი

13 მაისი 2022 წელი

ერთის მხრივ

საქართველოს შინაგან საქმეთა სამინისტროს სახელმწიფო საქვეუწყებო დაწესებულება საქართველოს სასაზღვრო პოლიცია (მის: ქ. თბილისი, კანდელაკის ქუჩა N12, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 211 356 557), შემდგომში წოდებული „შემსყიდველად“, წარმოდგენილი მისი საფინანსო - სამეურნეო უზრუნველყოფის მთავარი სამმართველოს უფროსის - ვახტანგ ასპანიძის სახით და

მეორეს მხრივ

მიმწოდებელი: შპს „როკო“ წარმოდგენილი მისი დირექტორის დავითი როყვას სახით, საიდენტიფიკაციო კოდი: 401976402, მისამართი: საქართველო, ქ. თბილისი, დიდუბე-ჩუღურეთის რაიონი, დიდმის მას., III კვ., კორ. 39, ბ. 76, ელ ფოსტა: davit.rokva@yahoo.com, ტელ +995 593226642, საბანკო რეკვიზიტები: სს „საქართველოს ბანკი“, ბანკის კოდი: BAGAGE22, ანგარიშის ნომერი: GE87BG000000060525400.

ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის „სახელმწიფო შესყიდვების შესახებ“ საქართველოს კანონის შესაბამისად, 2022 წლის სახელმწიფო ბიუჯეტის დაფინანსების ფარგლებში „შემსყიდველის“ მიერ გამოცხადებული **NAT220007036** ელექტრონული ტენდერის საფუძველზე, ვდებთ წინამდებარე ხელშეკრულებას:

1. წინამდებარე ხელშეკრულება ადასტურებს შემდეგს:

- 1.1 მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
- 1.2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:
 - ა) წინამდებარე ხელშეკრულება;
 - ბ) მიმწოდებლის მიერ წარმოდგენილი სატენდერო წინადადება, სამუშაოების შესრულების მეთოდები და ხარჯთაღრიცხვა;
 - გ) სამუშაოების შესრულების ვადები;
 - დ) ნახაზები და სპეციფიკაციები;
- 1.3. მიმწოდებელი იღებს ვალდებულებას შეუსრულოს შემსყიდველს ზემოაღნიშნული სამუშაოები ხელშეკრულების პირობების შესაბამისად.
- 1.4. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში და ფორმით.
- 1.5. ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.
- 1.6. მიმწოდებელი ვალდებულია წინამდებარე ხელშეკრულებით გათვალისწინებული სამუშაოების დასრულება უზრუნველყოს ხელშეკრულების გაფორმებიდან 30 (ოცდაათი) კალენდარული დღის განმავლობაში.
- 1.7. წინამდებარე ხელშეკრულება ძალაშია ხელშეკრულების გაფორმებიდან 2022 წლის 30 დეკემბრის ჩათვლით ან/და მხარეთა მიერ ხელშეკრულებით გათვალისწინებული ვალდებულებების სრულად და ჯეროვნად შესრულებამდე.

2. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 2.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებულ ხელშეკრულებას, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 2.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 2.3. „შემსყიდველი ორგანიზაცია“ (შემდგომში „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

2.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და ახორციელებს სამუშაოებს სახელმწიფო შესყიდვის შესახებ მოცემული ხელშეკრულების ფარგლებში;

2.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

3. ხელშეკრულების საგანი

საქართველოს შინაგან საქმეთა სამინისტროს სახელმწიფო საქვეუწყებო დაწესებულება საქართველოს სასაზღვრო პოლიციის სახმელეთო საზღვრის დაცვის დეპარტამენტის სასაზღვრო პოლიციის N3 სამმართველოს (წითელი ხიდი) N1 სექტორი (ირგანჩაი) გაზიფიცირების შიდა ქსელის მოწყობა ხელშეკრულებაზე თანდართული ხარჯთაღრიცხვის შესაბამისად (CPV კოდი 45200000).

4. ხელშეკრულების ღირებულება

4.1 ხელშეკრულების 3060 (სამიათას სამოცი) ლარი.

4.2 ხელშეკრულების ღირებულება მოიცავს, როგორც შესასრულებელი სამუშაოს ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

5. ხელშეკრულებაში ცვლილებების შეტანა

5.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

5.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

5.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა გათვალისწინებით. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

6. ხელშეკრულების შესრულების კონტროლი

6.1 შემსყიდველი ინსპექტირების ჯგუფის მეშვეობით ახდენს შესრულებული სამუშაოების ინსპექტირებას. ხელშეკრულების პირობების შესრულების კონტროლს განახორციელებს შემსყიდველის საფინანსო - სამეურნეო უზრუნველყოფის მთავარი სამმართველოს ლოჯისტიკის სამსახურის ქონების მართვისა და ექსპლუატაციის განყოფილებიდან გამოყოფილი უფლებამოსილი პირ(ებ)ი. პირ(ებ)ი, კერძოდ: ქონების მართვისა და ექსპლუატაციის განყოფილების უფროსი - ლევანი ჭიჭინაძე, ქონების მართვისა და ექსპლუატაციის განყოფილების წამყვანი სპეციალისტი - ზაზა ჟორჟოლიანი და ქონების მართვისა და ექსპლუატაციის განყოფილების თანამშრომელი - უჩა ხაინდრავა.

6.2. მიმწოდებლის მიერ გასაწევ, ან უკვე გაწეულ სამუშაოებზე კონტროლი (ინსპექტირება) ხორციელდება სისტემატიურად შემსყიდველის შეხედულებისამებრ.

6.3. მიმწოდებელი უზრუნველყოფს ინსპექტირების ჩატარებას აუცილებელი პერსონალით.

6.4. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

6.5. შემსყიდველი მიმწოდებელთან ერთად აწარმოებს კონტროლს სამუშაოების მიმდინარეობაზე, თანახმად საქართველოში მოქმედი ყველა სამშენებლო ნორმების, სტანდარტების და წესებისა, რომელთა დარღვევის შემთხვევაში შემსყიდველს გააჩნია უფლება შეაჩეროს სამუშაოები და განახორციელოს კანონით გათვალისწინებული სანქციები.

6.6. მიმწოდებელი ვალდებულია სამუშაოების შესრულების დროს გამოიყენოს მხოლოდ ის მასალები, რომელთა ხარისხი შეესაბამება საქართველოში და საერთაშორისო მოქმედ სტანდარტებსა და ნორმებს, წინააღმდეგ შემთხვევაში შემსყიდველი უფლებამოსილია გამოიყენოს მიმწოდებლის მიმართ პასუხისმგებლობის ღონისძიებები.

6.7. მიმწოდებელმა სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად. მიმწოდებელმა უნდა უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების, მუშაობით გამოწვეული ხმაურის, ვიბრაციის და მტვრის გავლენის მინიმუმადე დაყვანა. მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად. მიმწოდებელი ვალდებულია სამუშაოები შეასრულოს საქართველოში მოქმედი

სამშენებლო ნორმებით და წესებით, აგრეთვე პროექტით გათვალისწინებული უსაფრთხოების წესების დაცვით. აღნიშნულ ნორმათა დარღვევის შემთხვევაში, მიმწოდებელს ყოველ კონკრეტულ დარღვევაზე დაეკისრება შესაბამისი კანონმდებლობით გათვალისწინებული ჯარიმა. ჯარიმის გადახდა მიმწოდებელს არ ათავისუფლებს დარღვევის აღმოფხვრისაგან.

7. სამუშაოს შესრულების პირობები

7.1. მიმწოდებელი ვალდებულია შეასრულოს სამუშაოები, ხელშეკრულებით გათვალისწინებულ ვადებში, საქართველოში მოქმედი ყველა საჭირო ნორმების, სტანდარტებისა და წესების მოთხოვნების დაცვით.

7.2. შემსყიდველი ვალდებულია აანაზღაუროს შესრულებული სამუშაოს ღირებულება ხელშეკრულებით გათვალისწინებულ ვადაში და პირობებით.

7.3 სამუშაოების წარმოების პროცესში, სამუშაოს ახალი პოზიცი(ებ)ის წარმოქმნის შემთხვევაში, შემსყიდველის მხრიდან ცვლილება (ახალი პოზიციის დამატება) განხორციელდება სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნით ან მშენებლობის შემფასებელთა კავშირის „სამშენებლო რესურსების ფასებით“ განსაზღვრული ფასის ფარგლებში, ხოლო ანაზღაურება განხორციელდება ექსპერტიზის დასკვნის შესაბამისად, ფაქტობრივი დანახარჯების მიხედვით, მაგრამ არაუმეტეს ხარჯთაღრიცხვაში მოცემული ერთეულის ღირებულებებისა."

7.4 მიმწოდებელმა აღნიშნული სამუშაოები უნდა შეათანხმოს ბუნებრივი აირის ადგილობრივ დისტრიბუტორთან. აღნიშნული სამუშაოები უნდა შესრულდეს ხარჯთაღრიცხვის და პროექტის შესაბამისად.

8. თანმდევი მომსახურება

8.1. მიმწოდებელი ვალდებულია სამუშაოს დასრულებისთანავე გაათავისუფლოს სამუშაო ადგილი სამშენებლო მოწყობილობა დანადგარებისაგან და სხვადასხვა ნარჩენებისაგან.

8.2. სამუშაოების პროცესში მიმწოდებელი ვალდებულია მინიმუმამდე დაიყვანოს მუშაობით გამოწვეული ხმაურის, ვიბრაციისა და მტვრის გავლენა.

8.3. მიმწოდებელი ვალდებულია სახურავის გადახურვის სამუშაოების წარმოებისას უზრუნველყოს ნალექის შედეგად შესაძლო დაზიანებების პრევენცია. ხოლო გაუფრთხილებლობის შედეგად ზიანის დადგომის შემთხვევაში იგი ვალდებულია, სრულად აანაზღაუროს შესაბამისი ზარალი.

9. შესყიდვის ობიექტის მიღება-ჩაბარების წესი

9.1. მიმწოდებელი ვალდებულია შემსყიდველს წერილობითი ფორმით აცნობოს სამუშაოების დასრულების შესახებ, რასაც თან უნდა ახლდეს სათანადო დოკუმენტაცია (ფორმა №2).

9.2. შესყიდვის ობიექტი ჩაითვლება მიღებულად, მხოლოდ მიღება ჩაბარების აქტის გაფორმების შემდეგ.

9.3. შესყიდვის ობიექტის მიღება და შემოწმება ხდება გაწეული სამუშაოების შესრულების ადგილზე.

9.4. საბოლოო სამუშაოების დასრულებისას „მიმწოდებელი“ უფლებამოსილია შემსყიდველს წარუდგინოს სამუშაოს შესრულების აქტი (ფორმა №2, ფორმა №3) და შესაბამისი ანგარიშფაქტურა, აღნიშნული დოკუმენტების საფუძველზე (რომელსაც უზრუნველყოფს შემსყიდველი) განხორციელდება ანაზღაურება.

9.5. შემსყიდველის მხრიდან სამუშაოს შესრულების აქტზე (ფორმა №2 და ფორმა №3) ხელმოწერის უფლება მიეცეს შემსყიდველის უფლებამოსილ წარმომადგენელს - ტექნიკურ ზედამხედველს;

9.6. შემსყიდველი ვალდებულია ოპერატიულად, წერილობითი სახით აცნობოს მიმწოდებელს საბოლოო შემოწმების შედეგები დაწუნებული სამუშაოების ნაწილისა და წუნდების მიზეზის მითითებით.

9.7. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი ხარვეზების აღმოფხვრას საკუთარი ხარჯებით უზრუნველყოფს მიმწოდებელი შემსყიდველის მიერ განსაზღვრულ გონივრულ ვადებში.

9.8 იმ შემთხვევაში, როდესაც ხარჯთაღრიცხვით განსაზღვრული სამუშაოების მოცულობების ცვლილება არ იწვევს ხელშეკრულების ღირებულების გაზრდას, აღნიშნული სამუშაოების მოცულობები შესაძლებელია შეიცვალოს (დაზუსტდეს), აღმოჩენილი შესასრულებელი სამუშაოების გათვალისწინებით, ხელშეკრულების 6.1 პუნქტით განსაზღვრულ პირ(ებ)თან მიღწეული წინასწარი შეთანხმების საფუძველზე, რაზეც გაფორმდება შესაბამისი მიღება-ჩაბარების აქტი.

10. გარანტია

10.1. შესრულებულ სამუშაოზე და გამოყენებულ მასალებზე ვრცელდება მიღება-ჩაბარების აქტის გაფორმებიდან 2 (ორი) წლიანი გარანტია. გარანტიის მოქმედების პერიოდში გამოვლენილი წუნის/ხარვეზის აღმოფხვრა უნდა განხორციელდეს 10 სამუშაო დღის განმავლობაში, შემსყიდველის მხრიდან დამატებითი დანახარჯების გაწევის გარეშე. შეტყობინების

გაგზავნა განხორციელდება საქართველოს სასაზღვრო პოლიციის უფლებამოსილი პირ(ებ)ის მიერ სატელეფონო ან ელ. ფოსტაზე შეტყობინების გაგზავნის გზით (აღნიშნული ჩაითვლება შეტყობინების გაგზავნის თარიღად).

10.2. საგარანტიო ვადის განმავლობაში მიმწოდებელი ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა. გარანტია არ ვრცელდება მექანიკურ დაზიანებებზე.

11. ანგარიშსწორება

11.1. მიმწოდებელი ანგარიშსწორებისას ვალდებულია წარმოადგინოს, ფაქტიურად შესრულებული სამუშაოების ჯამური (დამატებითი ღირებულების გათვალისწინებით) ღირებულება.

11.2. მიმწოდებელი ვალდებულია ანგარიშ-ფაქტურაზე მიუთითოს ხელშეკრულების ნომერი. წინააღმდეგ შემთხვევაში შემსყიდველს უფლება აქვს არ მიიღოს ანგარიშ-ფაქტურა.

11.3. შესრულებულ სამუშაოზე საბოლოო ანგარიშსწორება განხორციელდება ფაქტიურად შესრულებული სამუშაოების მოცულობის დამადასტურებელი დოკუმენტის (ფორმა N2) შესაბამისად, სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის (ორგანიზაციის) მიერ გაცემული დასკვნის საფუძველზე. მხარეთა შორის მიღება-ჩაბარების აქტის და შესაბამისი ანგარიშფაქტურის წარმოდგენიდან არაუგვიანეს 15 (თხუთმეტი) კალენდარული დღის ვადაში. (დასკვნის წარმოდგენის ვალდებულება ეკისრება მიმწოდებელს) .

11.4. ეტაპობრივად შესრულებული სამუშაოების ანგარიშსწორება განხორციელდება ეტაპობრივად „მიმწოდებლის“ მხრიდან დადასტურებული სამუშაოს შესრულების აქტის (ფორმა N3) და შესაბამისი ანგარიშფაქტურის წარმოდგენიდან 15 (თხუთმეტი) კალენდარული დღის ვადაში. შემსყიდველი უფლებამოსილია ეტაპობრივად შესრულებული სამუშაოების ანგარიშსწორება განახორციელოს ხელშეკრულების მთლიანი ღირებულების არაუმეტეს 80%-ის ოდენობით.

11.5. თუ შემსყიდველის მიერ ხელშეკრულებით განსაზღვრული შესასრულებელი სამუშაოების მოცულობების ღირებულებამ არ შეადგინა გამარჯვებულ ორგანიზაციასთან დადებული ხელშეკრულებით გათვალისწინებული თანხა, ასეთ შემთხვევაში შემსყიდველი გადაუხდის მიმწოდებელს ფაქტიურად შესრულებული სამუშაოების მოცულობების ღირებულებას. აღნიშნულიდან გამომდინარე, მიმწოდებელი კარგავს აუთვისებელ სამუშაოთა მოცულობების ანაზღაურების მოთხოვნის უფლებას.

11.6 ხელშეკრულების საბოლოო ღირებულება განისაზღვრება ფაქტობრივად შესრულებული სამუშაოს ღირებულების შესაბამისად, რაც არ საჭიროებს დამატებით შეთანხმებას.

11.7 დაფინანსების წყარო 2022 წლის სახელმწიფო ბიუჯეტი.

12. ფასები

12.1. ხელშეკრულების ღირებულებითი პარამეტრების შემცირება დასაშვებია თუ: მომსახურების გაწევის გეგმა-გრაფიკით გათვალისწინებული სამუშაო არ არის შესრულებული სრული მოცულობით.

12.2. ფასის გაზრდა შესაძლებელია საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

14. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა და გადახდის ვადები)

14.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

14.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.

14.3 ხელშეკრულებით ნაკისრი ვალდებულებების შესრულების ვადის, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტ ეხლოს გადახდა ყოველ ვადაგადაცილებულ დღეზე ხელშეკრულების ღირებულების 1 %-ის ოდენობით.

14.4 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

14.5 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

14.6 ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების ღირებულების 5%-ის ოდენობით, (იმ შემთხვევაში თუ მიმწოდებლის მიერ სისტემაში დაფიქსირებული საბოლოო ფასი 20 %-ით ან მეტით დაბალია შესყიდვის ობიექტის სავარაუდო ღირებულებაზე, ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების ღირებულების 10%-ის ოდენობით.

15. გამოყენებული სამართალი

ხელშეკრულება დადებული იქნება საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. სხვა დებულებები

ხელშეკრულება შედგენილია ქართულ ენაზე, ხელმოწერილია ელექტრონულად, რომლის ყოველი ელექტრონული ეგზემპლარი ორიგინალია.

დანართი N1

დმანისის მუნიციპალიტეტი სოფ. ინგარჩაი. საქართველოს შინაგან საქმეთა სამინისტროს სახელმწიფო-საქვეუწყებო დაწესებულება საქართველოს სასახლდგრო პოლიციის №3 სამმართველოს (წითელი ხიდი) №1 სექტორის (ირგანჩაი) გაზიფიცირების (შიდა ქსელი) ხარჯთაღრიცხვა

№	სამუშაოს ჩამონათვალი	განზ.	რაოდენობა	ერთეულის ფასი (ლარი)	ღირებულება (ლარი)	სამუშაოს შესრულების ვადა	სამუშაოს შესრულების ადგილი	საგარანტიო პირობები
1	2	3	4	5	6	ის გაფორმებიდან 30 კალენდარული დღე	მინისტროს სახელმწიფო საქვეუწყებო დაწესებულება საქართველოს პოლიციის N3 სამმართველოს (წითელი ხიდი) N1 სექტორი (ირგანჩაი)	ში
	ფოლადის მილი დ=20*2.5 მმ	გრძ. მეტრი	1,00	5	5,00			
	ფოლადის მილი დ=32*2.5 მმ	გრძ. მეტრი	83,00	10,5	871,50			
	ფოლადის მილი დ=100*2.5 მმ	გრძ. მეტრი	1,50	35	52,50			
	ფოლადის მილი დ=40*2.5 მმ (საყრდენი)	გრძ. მეტრი	3,50	15	52,50			
	ფოლადის მუხლი დ=32*2.5 მმ	ცალი	7,00	5	35,00			
	ფოლადის მილი დ=40*2.5 მმ (გარცმა)	გრძ. მეტრი	1,00	15	15,00			
	საღებავი	კგ	4,20	15	63,00			
	ქანგბადი	ბალონი	0,64	30	19,20			
	კარბიდი	კგ	9,40	10	94,00			
	ცემენტი	კგ	15,00	1	15,00			
	ქვიშა (საბეტონე)	მ3	0,08	50	4,00			
	შესადუღებელი მავთული 4მმ	კგ	4,30	5	21,50			
	ხრახნი d32მმ	ცალი	1,00	5	5,00			
	ონკანი დ-32მმ	ცალი	1,00	30	30,00			
	ხრახნი d20მმ	ცალი	1,00	8	8,00			
	ონკანი დ-20მმ	ცალი	1,00	25	25,00			
	არმატურა დ-10მმ	გრძ. მეტრი	2,80	3	8,40			

	სამონტაჟო სამუშაოები				0,00	ხელშეკრულებ	დმანის მუნიციპალიტეტი სოფელი ირგანჩაი საქართველოს შინაგან საქმეთა სასაზღვრო პოლიციის სახმელეთო საზღვრის დაცვის დეპარტამენტის სასაზღვრო .	გარანტია 2 წელი
	ფოლადის გაზსადენის და საყრდენების 2-ჯერ შეღებვა ზეთოვანი საღებავით	კვ.მ	11,90	5	59,50			
	ფოლადის გაზსადენზე (D15 - D40) ონკანის მონტაჟი	ცალი	2,00	10	20,00			
	ფოლადის გაზსადენის (D 15 - D 40) მონტაჟი	გრძ. მეტრი	84,00	5,5	462,00			
	ფოლადის გაზსადენის (D 100) მონტაჟი	გრძ. მეტრი	1,50	10	15,00			
	ფოლადის გაზსადენზე (D15 - D40) (მუხლი, ხრახნი, გადამყვანი, შტუცერი, სამკაპი, დამხშობი) მონტაჟი	ცალი	9,00	5,00	45,00			
	გაზსადენის საყრდენის D50-ის ჩათვლით საყრდენების მოწყობა.	გრძ. მეტრი	3,50	10	35,00			
	საყრდენების (დგარების) დაბეტონება 32-50	ცალი	1,00	3	3,00			
	გარცმის მილის მოწყობა	გრძ. მეტრი	1,00	2,032	2,03			
	გაზსადენის პნევმატური გამოცდა	გრძ. მეტრი	85,50	1	85,50			
	ჯამი				2051,63			
	ზედნადები ხარჯი	10%			205,16			
	ჯამი				2256,80			
	გეგმიური მოგება	8%			180,54			
	ჯამი				2437,34			
	სატრანსპორტო ხარჯი	5%			66,23			
	ჯამი				2503,57			
	გაუთვალისწინებელი ხარჯი	3%			75,11			
	ჯამი				2578,68			
	დაგროვებითი საპენსიო გადასახადი (ხელფასიდან დანარიცხების გარეშე)	2%			14,54			
	ჯამი				2593,22			
	დღგ	18%			466,78			
	ჯამი				3060,00			